

MPN/loI

RESOLUCIÓN PRESIDENCIAL

A Presidencia, no uso das facultades que lle confire a normativa vixente, dita a seguinte RESOLUCION:

Vista a proposta de resolución da xefa do servizo de Cooperación que é do seguinte teor literal,

“SERVIZO DE COOPERACIÓN

PLAN CONCELLOS 2021 LIÑA 1

NÚMERO DE EXPEDIENTE: 2022042641

DENOMINACIÓN DO INVESTIMENTO: “PAVIMENTADO CON FIRME DE ASFALTO DE CAMIÑO EXISTENTE- CAMIÑO DE CRISTIN A QUINTEIRO”

BENEFICIARIO: Concello de AGOLADA

ASUNTO: Concesión de subvención por cambio de finalidade; compromiso de gasto que importa 45.081,75 euros.

PROPOSTA DE RESOLUCIÓN

ANTECEDENTES

- O Pleno da Corporación Provincial, na súa sesión do día 15/12/2020, aprobou as “Bases reguladoras e convocatoria do Plan de Obras e Servizos (Plan Concellos) 2021”, que recolle os procedementos para conceder subvencións a 59 municipios da provincia para financiar actuacións e investimentos, propostas que deben estar relacionadas coas materias que os municipios exercen como competencias propias ou, en todo caso, as atribuídas por delegación, de conformidade co artigo 7 da Lei 7/1985, de 2 de abril, reguladora das bases do réxime local, e as distintas das propias e as de delegación segundo o artigo 3 da lei 5/2014, de 27 de maio, de medidas urxentes derivadas da entrada en vigor da lei 27/2013, de 27 de decembro, de racionalización e sustentabilidade da Administración Local. Ditas bases e o extracto da convocatoria publicouse no BOPPO nº 1, do 04/01/2021.
- En data 03 de setembro de 2021, mediante resolución presidencial núm. 2021005076, concedeuse ao Concello de AGOLADA, polo procedemento de concorrencia non competitiva, subvención por importe de 23.095,26 euros, con destino ao financiamento do investimento “MELLORA DE CAMIÑOS DE TITULARIDADE MUNICIPAL CON FIRME DE ASFALTO -PISTA EP 6302 IGREXA BERREDO”, cun orzamento polo mesmo importe.
- En data 10 de xuño de 2022 o concello de AGOLADA presenta solicitude de desistencia a actuación salientada no parágrafo anterior, sendo autorizada esta desistencia por resolución presidencial núm. 2022005204 de data 14 de Xullo de 2022, deixando en dispoñible un total de 23.095,26 euros, comprometidos na aplicación orzamentaria 2022/942.9425.762.45.2021, para a realización dunha nova actuación que pretende realizar o concello.



- En data 10 de setembro de 2021, mediante Resolución Presidencial núm. 2021005229, concedeuse ao Concello de AGOLADA, polo procedemento de concorrencia non competitiva, subvención por importe de 21.986,49 euros, con destino ao financiamento do investimento “MELLORA DE CAMIÑOS DE TITULARIDADE MUNICIPAL CON FIRME DE ASFALTO-PISTA IGREXA DE VAL”, cun orzamento polo mesmo importe de 21.986,49 euros.
- En data 10 de xuño de 2022 o concello de AGOLADA presenta solicitude de desistencia a actuación salientada no parágrafo anterior, sendo autorizada esta desistencia por resolución presidencial núm. 2022005200 de data 14 de Xullo de 2022, deixando en dispoñible un total de 21.986,49 euros, comprometidos na aplicación orzamentaria 2022/942.9425.762.45.2021, para a realización dunha nova actuación que pretende realizar o concello.
- Neste contexto, en data 14 de xuño de 2022 e con rexistro de entrada WEB2022042641, o concello presenta solicitude de subvención por cambio de aplicación por importe de 45.081,75 euros para financiar o investimento “PAVIMENTADO CON FIRME DE ASFALTO DE CAMIÑO EXISTENTE- CAMIÑO DE CRISTIN A QUINTEIRO” encadrado na liña 1 do Plan de Obras e Servizos (Plan Concellos) 2021, cun orzamento do mesmo importe, quedando configurada a súa petición tal é como se reflicte na seguinte táboa:

Anualidade	Orzamento, €	Subvención, €	Fondos propios do Concello/Achegas doutras administracións públicas, €
2021	45.081,75	45.081,75	0,00

- Consta no expediente certificado relativo á titularidade dos terreos sobre os que se pretende actuar, así coma o informe do redactor do proxecto sobre a normativa sectorial, figurando xa no expediente as autorizacións necesarias para executar o investimento.
- Revisada a documentación, a solicitude remitida cumpre os requisitos esixidos nas Bases reguladoras do Plan Concellos 2021.

FUNDAMENTOS XURÍDICOS

Réxime Xurídico:

- Lei 38/2003, de 17 de novembro, Xeral de Subvencións (LXS), e o seu Regulamento aprobado por Real Decreto 887/2006, de 21 de xullo (RLXS)
- Lei 7/1985, de 2 de abril, Reguladora das Bases do Réxime Local (LRBRL)
- Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local
- Lei 39/2015, de 1 de outubro, do Procedemento Administrativo Común das Administracións Públicas (LPACAP)
- Lei 9/2007, de 13 de xuño, de Subvencións de Galicia (LSG)
- Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRJEL)



- Carta Europea de Autonomía Local, Estrasburgo 15/10/1985
- Bases reguladoras do Plan de Obras e Servizos (Plan Concellos) 2021
- Ordenanza Xeral de Subvencións da Deputación de Pontevedra (Ordenanza Xeral)
- Bases de execución do orzamento da Deputación para o vixente exercicio
- Tratado de Funcionamento da Unión Europea
- Carta de Dereitos Fundamentais da Unión Europea
- Regulamento de Bens das Corporacións Locais RD 1372/1986, de 13 de xuño
- Lei 9/2017, de 8 de novembro de contratos do sector público
- Lei 33/2003, de 3 de novembro do Patrimonio das Administracións Públicas
- RD Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais

Consideracións Xurídicas

Instrución do expediente:

- Base reguladora 16ª do Plan Concellos 2021, relativa á ordenación, instrución, procedemento e resolución, que indica que correspóndelle ao servizo de Cooperación realizar as actuacións necesarias para a determinación, coñecemento e comprobación dos expedientes, solicitando cantos informes considere convenientes. Asemade, establécese que o procedemento de concesión das axudas é o de concorrencia non competitiva.

Petición e evacuación de informes:

- Artigos 79 e 80 da LPACAP sobre a petición e a evacuación de informes.
- Artigo 88.6 da LPACAP, que sinala que a aceptación de informes ou ditames servirá de motivación á Resolución cando se incorporen ó texto da mesma.
- Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.
- Bases 47ª e 48ª de execución do Orzamento provincial para o vixente exercicio, sobre o control e a fiscalización da xestión económica, que sinalan a competencia da Intervención para realizar esta función.
- Artigo 24 da LXS que establece que as actividades de instrución comprenderán, entre outras, a petición de cantos informes estime necesarios para resolver ou que sexan esixidos polas normas que regulan a subvención.
- Base reguladora 16ª do Plan Concellos 2021, que indica que as propostas de concesións de subvencións someteranse á aprobación do órgano competente, previo informe do técnico competente da Deputación, segundo a natureza do investimento, no seu caso, e de fiscalización do Servizo de Intervención. Se algunha solicitude non se axusta a estas Bases Reguladoras, e por esta razón é informada desfavorablemente polas ou polos facultativos técnicos de Cooperación ou polo Servizo de Intervención, o Concello poderá presentar unha nova solicitude.
- Base reguladora 17ª do Plan Concellos 2021 no referente á modificación do destino das subvencións concedidas (cambio de finalidade).



Resolución do expediente

- Artigo 22 LXS que dispón que a proposta de concesión formularase ao órgano concedente a través do órgano instrutor.
- Artigo 25 da LXS polo que o órgano competente resolverá o procedemento e a resolución motivarase de conformidade co que dispoñan as bases reguladoras da subvención
- Artigo 62 do RLXS que establece que na resolución de concesión deberán quedar claramente identificados os compromisos asumidos polos beneficiarios
- Artigo 185 do TRLRFL que regula as competencias en materia de xestión de gasto.
- Artigos 17 e ss. da Ordenanza Xeral que regulan o procedemento de concesión mediante concorrencia.
- Bases reguladoras 1ª e 8ª do Plan Concellos 2021 que definen o obxecto, tipoloxía e as finalidades subvencionables que poden acollerse a este plan.
- Base reguladora 5ª a 7ª do Plan Concellos 2021, que consignan o crédito orzamentario, a porcentaxe e o límite máximo por liña, así como os criterios obxectivos de reparto.
- Bases reguladoras 10ª e 12ª do Plan Concellos 2021 que recollen a necesaria documentación para a concesión da subvención e o prazo para a súa presentación.
- Base reguladora 17ª do Plan Concellos 2021 no referente á modificación do destino das subvencións concedidas (cambio de finalidade).
- Artigo 9 da Carta Europea de Autonomía Local, que dispón que “na medida do posible, as subvencións concedidas ás entidades locais non han de ser destinadas á financiación de proxectos específicos. A concesión de subvencións non deberá causar prexuízo á liberdade fundamental da política das entidades locais, no seu propio ámbito de competencia”.

Procedencia económica da subvención no eido das competencias municipais:

A atribución de competencias propias aos concellos faise no artigo 25 da Lei 7/1985, de 2 de abril, reguladora das bases do réxime local, con carácter bifronte. Isto supón que os municipios precisan da previsión legislativa ben do Estado ben da Comunidade Autónoma para desenrolalas. Sen embargo, no artigo seguinte, o 26, xa se precisa que hai unha serie de competencias que necesariamente os concellos han de satisfacer, unhas con independencia do número de habitantes, e outras cando se van superando cadanseu banzo demográfico. A peculiaridade deste precepto, a primeira vista, é que se non se implantan vense a facultar aos veciños para demandar a súa prestación amais da súa cobertura orzamentaria, artigos 18.g) da propia Lei 7/1985, e 170 da RD Legislativo 2/2004, de 5 de marzo.

Sen embargo, o lexislador sectorial tamén pode imprimirlle aquel carácter de obrigatoria prestación a cargo dos concellos noutras materias, o que fará que beban da mesma forza de implantación.

O Plan Concellos 2021 respecta os dous escenarios legais nos criterios de oportunidade que se amosan cando os concellos presentan as súas solicitudes de subvención, pero tamén o fai baixo o prisma actual e periférico á situación de pandemia seguindo o ditado do Plan de Acción sobre a Financiación do Crecemento Sostible e as Conclusións do Consello da Unión Europea da Inversión Pública 2020/C 412 1/01, e en concreto o Regulamento (UE) 2020/852 do Parlamento Europeo e do Consello, de 18 de xuño de 2020, relativo ao



establecemento dun marco para facilitar as inversións sostibles, e polo que se modifica o Regulamento (UE) 2019/2088 (DO I 198 de 22.6.2020).

CONCLUSIONES

A solicitude do concello de AGOLADA relativa ao financiamento do investimento “PAVIMENTADO CON FIRME DE ASFALTO DE CAMIÑO EXISTENTE- CAMIÑO DE CRISTIN A QUINTEIRO” foi presentada dentro do prazo recollido na convocatoria do Plan Concellos 2021, adáptase ás consideracións xurídicas expostas e xunta a documentación precisa para a válida concesión dunha subvención por cambio de aplicación por importe de 45.081,75 euros e cun orzamento do mesmo importe.

Visto que o obxecto do investimento adecúase dentro da tipoloxía das finalidades subvencionables reguladas na base 8ª, da LIÑA 1-INVESTIMENTOS, tendo por obxecto o aproveitamento de instalacións, de competencia municipal.

Visto que o enxeñeiro xefe do servizo de Cooperación emitiu, en data 21/06/2022 informe favorable de supervisión e control do documento técnico descritivo das actuacións a levar a cabo.

Por todo o exposto e á vista dos antecedentes e fundamentos de dereitos aplicables, INFORMO FAVORABLEMENTE o expediente do concello de AGOLADA e PROPOÑO que lle sexa concedida unha subvención, por cambio de finalidade, por importe de 45.081,75 euros con destino ao financiamento do investimento “PAVIMENTADO CON FIRME DE ASFALTO DE CAMIÑO EXISTENTE- CAMIÑO DE CRISTIN A QUINTEIRO” (exp.:2022042641), cun orzamento polo mesmo importe, tendo en conta que o concello deberá posuír tódalas autorizacións sectoriais que sexan necesarias así como as licenzas e permisos preceptivos para a execución do investimento ao abeiro do establecido nas bases reguladoras do Plan Concellos 2021.

A concesión realizarase contra a aplicación 22/942.9425.762.45.2021 do orzamento provincial para o vixente exercicio.

RÉXIME COMPETENCIAL:

En virtude do establecido nas Bases Específicas de Execución do Orzamento provincial e de conformidade co disposto no artigo 34 da LRBRL, e no artigo 17 do RLXS, a competencia para resolver atribúeselle á Presidencia.

Este informe non ten carácter vinculante, de feito que o órgano concedente co seu superior criterio decidirá.

Tendo en conta o exposto e visto o informe da intervención provincial, de data 05/08/2022, elévase á Presidencia a seguinte PROPOSTA DE RESOLUCIÓN:

- Conceder ao Concello de AGOLADA CIF P360200F, por cambio de finalidade, a cantidade de 45.081,75 euros, con destino ao financiamento do investimento “PAVIMENTADO CON FIRME DE ASFALTO DE CAMIÑO EXISTENTE- CAMIÑO DE CRISTIN A QUINTEIRO” (Expe: 2022042641) cun orzamento polo importe de 45.081,75 euros, distribuída segundo a seguinte táboa:



Anualidade	Orzamento, €	Subvención, €	Fondos propios do Concello/Achegas doutras administracións públicas, €
2021	45.081,75	45.081,75	0,00

- Convén lembrar que o concello deberá posuír tódalas autorizacións sectoriais necesarias así como as licenzas e permisos preceptivos para a execución do investimento ao abeiro do establecido nas bases reguladoras do presente plan.
- Autorizar e comprometer o gasto na vinculación xurídica da aplicación 2022/942.9425.762.45.2021 do vixente orzamento provincial na que existe crédito suficiente para facer fronte ó gasto.
- A licitación, execución e xustificación do investimento realizarase conforme ao previsto nas bases reguladoras do Plan Concellos 2021, aprobadas polo acordo plenario 1.7538 de 15/12/2020 e publicadas no BOPPO núm.1 de 04/01/2021 (dispoñibles tamén na sede electrónica <https://sede.depo.gal>) e a demais lexislación vixente en materia de contratación e subvencións.
- Ao abeiro da base vixésimo primeira do Plan Concellos 2021, o investimento deberá estar executado o 30/11/2022 e xustificado, na súa totalidade a 31/12/2022. O incumprimento desta obriga dará lugar a revogación da subvención.
- Darlle traslado da presente resolución ao Concello de AGOLADA, a Intervención, ao Servizo de Cooperación, ao Gabinete da Presidencia e ao Gabinete de Prensa.

Pontevedra, na data da sinatura electrónica

A xefa do servizo de Cooperación

Marina Piñeiro Novo”

Vista a precedente proposta de resolución, RESOLVO, de conformidade coa mesma.

Contra esta resolución que pon fin á vía administrativa poderá interpoñer o recurso potestativo de reposición perante o mesmo órgano que a ditou, no prazo dun mes a partir do día seguinte ó desta notificación (artigos 112 e 124 da Lei 39/2015, de 1 de outubro, do Procedemento Administrativo Común das Administracións Públicas), ou ben, directamente recurso contencioso-administrativo perante o Xulgado do Contencioso Administrativo de Pontevedra segundo o disposto no artigo 8 da Lei 29/1998, de 13 de xullo Reguladora da Xurisdición Contencioso-Administrativa, e todo iso no prazo establecido no artigo 46 da citada Lei.

Todo isto sen prexuízo de que poida utilizar calquera outro recurso que estime pertinente.

(documento asinado dixitalmente á marxe)

